

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCXLIX.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXLIX.

MANDATUM SIGISMUNDI REGIS ROM. UT VASALLI
AUSTRIACI IN BRISGOVIA FEUDA SUA A BERN-
HARDO MARCHIONE BADENSI ACCIPIANT.

A N N O M C C C C X V I I I .

Ex Tabulario Badensi.

Wir SIGMUND von Gottes Gnaden, Römischer Kung zu allen
Zyten Merer des Richs vnd zu Vngern, Dalmacien Croatien
Kung. Embieten allen vnd iglichen Greven, fryen Rittern Knechten, vnd
andern Edlen vnd VnEdlen in dem Lande vnd gegnen Brisgow gefessen, vnd
darzu gehörend. Vnd die von Hertzog Friderich von Oesterreich Lehen ge-
hebt oder empfangen, oder eygen oder pfandscheffte gehebt hand, vnd im off-
nung psichtlich gewexzt sind, Vnsn. vnd des Richs Lieben getreuen Vnser Gnad
vnd alles gut. Edlen vnd Lieben getreuen, wie vnd worumb alle vnd igli-
che Lande, Lute, Stete, Schloße, Lehen, Eygen, Pfandschafft, Offnung vnd
andere die vnd das Hertzog Fridrich von Ostreich gehebt hat an Vns vnd das
Riche komen vnd geuallen, vnd auch Vns, vnd dem Riche kurtzlich tzuge-
sprochen, vnd mit Recht vnd Vrteyle des Richs Fürsten Greuen Herren,
Ritter Knechte, vnd lerere zugeteylt sind, des alles haben Wir dem Hoch-
gebornen Bernhard Marggrauen zu Baden, Vnsn Lieben Oheimen vnd Für-
sten, solich Vrteylbrieff als Vns dann daruber gegeben sind, geentwort, die
Cod. Dipl. P. II.

N

Euch vnd ewiglichen zu verhören lassen, vnd Euch ouch Vnser willen vnd Meynung doruf zu sagen. Vnd Wir begeren dorumb von Euch allen vnd ewer iglichem demselben Bernharten dorin zu glouben als vnsselber, wann wir im nu ouch beuolhen vnd Vnser gantze Macht gegeben habend, euch vnd ewiglichen von Vnsen vnd des Riche wegen vnd an Vnser Stat zu Besenden, vnd euch zumanen Vns, vnd dem Riche eyn Erbhuldung zu tund, vnd mit den vorgen Lehen Pfandschefften, Eygen vnd Offnung zu warten &c. &c. Als Vns dann das mit Recht zugesprochen, vnd geteylt ist, vnd euch ouch Briene an Vnser stat dorüber zugeben vnd von ewer iglichen wider zu nemen. Dorumb vordern wir an euch vnd ewer iglichen vnd gebieten euch ouch von Römischer Kunglicher Macht ernstlich vnd vestiglich mit diesem Brieff, vnd by vnsern vnd des Riche Huden, welch Zyte euch der vorgenant Bernhart verschribet vnd euch von Vnsen wegen zu Im zu komen besendet, vnd vordert das Ir dann zu Im ritet vnd vns vnd dem Riche eyn Erbhuldung tun, vnd ewer vorgenant Lehen vom Im als us vnsern Henden empfaen, vnd gewöhnlich gelübde vnd Eyde doruf thun, vnd ouch ewer vorgenant Pfandschefften, Eygen, vnd Offnung von vns vnd dem Riche erkennen sollet vnd vns vnd vnser Nachkomen als dem Riche, als ewern ordenlichen vnd natürlichen ErbHerrn fürbasmere gehorsam vnd gewertig zu sin, als sich dann das gebüret, als Lieb Euch sy, vnser vnd des Riche schwäre Vngnade zu vermeiden. Doch Beheltnuß Ewerer fryheite, Rechte, Briene, Privilegien, Eygen, Lehen Pfandscheffte vnd guter gewonheite. Wann vnser Meynung noch Begerung anders nit ist, dann das Ir vnd ewer iglicher daby gantzlich beliben sollet, von allermenniglich vngehindert, vnd wir wollen ouch euch noch nyemand von sinen Lehen, Pfandschefften, oder Rechten dringen oder dringen lassen in kein wis. Als Ir dann das alles in dem vorgenanten Vrtelbrieff clerlicher

vernemen werdet, Geben zu Costentz, versiegelt mit vnser Kunglichen anhangenden Inseigel. Nach Cristij geburt Vierzehenhundert Jare vnd dornach in dem Achtzehenden Jare des nächsten Montags vor sanct Mathias Tag, Vnser Riche des Vngrischen &c. in dem Ein und drisigsten vnd des Römischen in dem Achten Jahren.

(L.S.)

Ad Mandatum Dni Regis
Johannes Kirchen.



CCCL.

SENTENTIA JUDICII FEUDALIS BADENSIS DE
FEUDO STAUFENBERGENSI.

ANNO MCCCCXVIII.

Ex Originali.

Ich Hans Contzman von Staffurd Vogt zu Baden bekenn mich und tun kunt offenbar mit difem Brief, daz ich uf difem hütigen tag hie zu Baden Gericht geseßen bin, von wegen und an statt des Hochgebohrnen Fürsten und Herren, Herren Bernharts Marggraven zu Baden &c. myns gnedigen lieben Herren, alz ein Richter und by mir dife nachgeschriben sine Manne, mit Namen Her Hans Rudolf von Endin-

Cod. Dipl. P. II.

N 2